



REPUBLIKA E SHQIPËRISË

**AUTORITETI I KOMUNIKIMEVE ELEKTRONIKE DHE POSTARE  
KËSHILLI DREJTUES**

**V E N D I M**

**Nr.14, datë 07.05.2019**

**Për**

**“MIRATIMIN PËR KËSHILLIM PUBLIK TË DOKUMENTIT: “RREGULLIMI I  
TARIFAVE TË SHËRBIMEVE ROAMING NDËRKOMBËTAR SHQIPËRI –  
BALLKANI PERËNDIMOR””**

Këshilli Drejtues (KD) i Autoritetit të Komunikimeve Elektronike dhe Postare (AKEP), me pjesëmarrjen e:

-	<b>Z. Ilir</b>	<b>Zela</b>	<b>Kryetar</b>
-	<b>Znj. Ketrin</b>	<b>Topçiu</b>	<b>Anëtare</b>
-	<b>Znj. Edlira</b>	<b>Dvorani</b>	<b>Anëtare</b>
-	<b>Znj. Xhoana</b>	<b>Lilaj</b>	<b>Anëtare</b>

dhe sekretare Znj. \_\_\_\_\_, në mbledhjen e datës 7.05.2019 sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, dhe Rregullore e Brendshme për “Funksionimin e Këshillit Drejtues të Autoritetit të Komunikimeve Elektronike dhe Postare” miratuar me Vendimin Nr.7, datë 16.02.2017 të Këshillit Drejtues të AKEP, shqyrtoi çështjen me objekt:

*“Miratimin për këshillim publik të dokumentit: “Rregullimi i tarifave të shërbimeve roaming ndërkombëtar Shqipëri-Ballkani Perëndimor”*

**BAZA LIGJORE:**

1. Neni 55 e në vijim i Kreut VI të ligjit nr. 9918, datë 19. 05. 2008 “Për Komunikimet Elektronike në Republikën e Shqipërisë” i ndryshuar (*ligji nr. 9918*);
2. Udhëzues për Procedurat e Keshillimit me Publikun miratuar me VKD nr.1183, datë 10.03.2010.
3. “Marrëveshje për reduktimin e cmimeve të shërbimeve roaming në rrjetet publike të komunikimeve të lëvizshme në rajonin e Ballkanit Perëndimor” të nënshkruar më 4

Prill 2019 nga ministritë përgjegjëse për fushën e komunikimeve elektronike të vendeve të Ballkanit Perëndimor (Marrëveshja RRA WB6).

## **K Ë S H I L L I D R E J T U E S:**

Nga shqyrtimi i materialit shkresor,

- Dokumenti: *"Rregullimi i tarifave të shërbimeve roaming Shqipëri-Ballkani Perëndimor-Këshillim publik"*;
- Relacioni shoqërues i projektaktit miratues (Relacioni)
- Projekti miratues i dokumentit (projektvendimi);

si dhe nga diskutimet në mbledhje mbi çështjen, dhe duke iu referuar bazës ligjore të sipërcituar,

## **V Ë R E N:**

1. Më datë 4 Prill 2019 në Beograd në kuadër të Samitit Digital të Ballkanit Perëndimor 2019, u nënshkrua Marrëveshja mbi Reduktimin e Çmimeve të Shërbimeve Roaming në Rrjetet Publike të Komunikimit Celular në Rajonin e Ballkanit Perëndimor. Marrëveshja u nënshkrua nga ministritë përgjegjëse për komunikimet elektronike të gjashtë vendeve të Ballkanit Perëndimor (Shqipëria, Bosnja dhe Hercegovina, Kosova, Maqedonia e Veriut, Mali i Zi, dhe Serbia). Marrëveshja e nënshkruar ndër të tjera përcakton që:
  - Duke filluar nga 1.07.2021 midis vendeve të EB6 do të fillojë të aplikohet modeli RLAH, pra tarifimet me pakicë roaming në vendet BP do të jenë sa tarifimet përkatëse brenda vendit;
  - Në periudhën tranzitore 1.07.2019-30.06.2021 do të aplikohet modeli RLAH+, ku operatoret celularë mund të aplikojnë një tarifë shtesë (surcharge) mbi tarifimet brenda vendit. Tarifa shtesë nuk duhet të jetë më e lartë se 0.05 Euro/minutë për thirrje, 0.02 Euro/SMS dhe 0.025 Euro/MB dhe 1.07.2020-30.06.2021. Tarifa totale (brenda vendit+surcharge) nuk duhet të jetë më e lartë se 0.19 euro/minutë, 0.06 Euro/SMS dhe 0.18 euro/MB;
  - Niveli maksimal mesatar i tarifave me shumicë që një operator celular në rolin e rrjetit të vizituar do të tarifoë për shërbimet e rregullta të roamingut do të jenë 0.05 Euro/minutë për thirrje dalëse, 0.02 Euro/SMS dhe 0.025 Euro/MB. Tarifa me shumicë për internetin do reduktohet në 0.015 Euro/MB më 1.07.2020 dhe më pas çdo vit do reduktohet gradualisht për të arritur në 0.0025 Euro/MB më 1 Janar 2026. Tarifa maksimale për terminimin e thirrjeve të lidhura me roamingun në vendet e BP do të jetë 0.04 Euro/Minutë më 1 Korrik 2019, 0.025 Euro/minutë më 1 Korrik 2020, dhe 0.016 Euro/minutë nga 1 Korrik 2021 e në vijim.
  - Deri më 1.07.2019 palët nënshkruese duhet të miratojnë çdo ndryshim të ligjeve dhe/ose akteve nënligjore për komunikimet elektronike, të nevojshme për arritjen e objektivave të Marrëveshjes, duke përfshirë edhe harmonizimin e nivelit të politikës relevante të mbrojtjes së konsumatorit me standardet që mbizotërojnë brenda BE-së.
  - ndryshimet në ligjet dhe/ose aktet nënligjore të nevojshme për të siguruar që zbatimimi i rregullave mbi politikën e përdorimit të drejtë, rregullat për zbatimin e mekanizmit të

derogimit të qëndrueshmërisë dhe kërkesat e transparencës, të cilat korrespondojnë me të njëjtat rregulla të zbatueshme në Bashkimin Evropian, është uniform në të gjithë nënshkruarit dhe do të miratohen nga palët nënshkruese jo më vonë se 31 Dhjetor 2020.

2. Kuvendi i Republikës së Shqipërisë me Ligjin nr. 107/2018 “Për një shtesë në ligjin nr. 9918, datë 19.5.2008, “Për komunikimet elektronike në Republikën e Shqipërisë”, të ndryshuar”,<sup>1</sup>ka miratuar që në nenin 55, pika 2, të shtohet parashikimi që AKEP, përvec tarifave të shërbimeve të përfshira në skemën e shërbimit universal dhe operatorëve me FNT, ka të drejtë të rregullojë edhe tarifën e shërbimeve roaming ndërkombëtare sipas marrveshjeve reciproke ndërkombëtare të nënshkruara apo miratuara për zbatim reciprok. Me ndryshimin e miratuar neni 55, pika 2 e ligjit 9918 bëhet si vijon (është shtuar pika “c”):

*AKEP-i ka të drejtë të zbatojë rregullimin e tarifave e tarifave nëpërmjet një vendimi për rregullimin e tarifave përvec shërbimeve:*

- a) *shërbimet e përfshira në skemën e shërbimit universal, të ofruara nga ofruesi i shërbimit universal, sipas përcaktimeve në nenin 57 të këtij ligji;*
  - b) *shërbimet e ofruara nga sipërmarrësi me fuqi të ndjeshme në treg në tregun përkatës.*
  - c) **shërbimet e roaming-ut mbi bazën e marrëveshjeve ndërkombëtare dy ose shumëpalëshe, të nënshkruara apo të miratuara për zbatim reciprok të rregullimit të tarifave për këto shërbime, si dhe tarifave të terminimit ndërkombëtar të lidhura me këto shërbime..**
3. Dokumenti "*Rregullimi i tarifave të shërbimeve roaming ndërkombëtar Shqipëri-Ballkani Perëndimor- Këshillim publik*":
    - përmban propozimin e AKEP për rregullimin e tarifave me shumicë dhe me pakicë të roamingut sipas përcaktimeve të “Marrëveshja mbi Reduktimin e Çmimeve të Shërbimeve Roaming në Rrjetet Publike të Komunikimit Celular në Rajonin e Ballkanit Perëndimor”, të nënshkruar më 4 Prill 2019;
    - nga pikpamja e ligjshmërisë është në konformitet me përcaktimet e ligjit 9918 të parashikuara për rregullimin e tarifave;
    - ka marrë në konsideratë Rregulloret e BE-së dhe dokumentet e BEREC për rregullimin e tarifave roaming dhe implementimin e tyre, përfshirë modelin Roam Like At Home (RLAH), nëpërmjet të cilit hiqen tarifën me pakicë të aplikuar për romingut ndërkombëtar në vendet e BE-së.
    - ka marrë në konsideratë kushtet aktuale të tregut Shqiptar celular dhe tarifën aktuale me shumicë dhe me pakicë të aplikuar për shërbimet roaming me BP;
    - është përgatitur si dokument për këshillim publik në përputhje me nenin 58 të Ligjit 9918 me qëllim tërheqjen e komenteve të palëve të interesuara për rregullimin e propozuar.
  4. Dokumenti: "*Rregullimi i tarifave të shërbimeve roaming ndërkombëtar Shqipëri-Ballkani Perëndimor- Këshillim publik*" është një dokument rregullator shumë i rëndësishëm për zbatimin e marrveshjes së roamingut RRA ËB6 dhe përfitimet e

---

<sup>1</sup> Ligji nr. 107/2018 është miratuar më 20.12.2018, publikuar në Fletoren Zyrtare Nr.197, më datë 15 Janar 2019, dhe ka hyrë në fuqi 15 ditë pas botimit në Fletoren zyrtare.

qytetarëve të Sqhipërisë dhe vendeve të tjera të BP nga përdorimi i shërbimeve të rrjeteve celulare nëpërmjet heqjes së tarifave më pakicë të roamingut midis vendeve të BP.

### **P Ë R K Ë T O A R S Y E:**

Duke marrë në konsideratë rëndësinë e miratimit të dokumentit të cituar më lart, bazuar në pikën 1 të nenit 114, dhe pikën 1 të nenit 115 të ligjit nr. 9918, i ndryshuar, Këshilli Drejtues i AKEP

### **V E N D O S I:**

1. Të miratojë nxjerrjen për këshillim publik të dokumentit "*Rregullimi i tarifave të shërbimeve roaming ndërkombëtar Shqipëri-Ballkani Perëndimor- Këshillim publik*", sipas dokumentit bashkëlidhur;
2. Proçedura e këshillimit publik të kryhet për një periudhë 30 ditore më 7.05.2019-7.06.2019.
3. Ky Vendim dhe Dokumenti "*Rregullimi i tarifave të shërbimeve roaming ndërkombëtar Shqipëri- Ballkani Perëndimor - Këshillim publik*", të publikohen në faqen e internetit [www.akep.al](http://www.akep.al).

Ky vendim hyn në fuqi në datën e miratimit të tij.

**KRYETAR**

**Ilir Zela**

**ANËTAR**

**Ketrin Topçiu**

**ANËTAR**

**Edlira Dvorani**

**ANËTAR**

**Xhoana Lilaj**